

欽定八旗通志卷一百八十一

人物志六十一

大臣傳四十七

滿洲鑲藍旗四
滿福 額僧格

鄂爾泰 邁柱

鄂爾泰

鄂爾泰滿洲鑲藍旗人姓西林覺羅世居汪欽高

祖屯泰

國初率族來歸授佐領曾祖圖捫天聰五年從征明
大凌河力戰陣歿授騎都尉世職雍正三年入祀

昭忠祠祖圖彥圖襲世職官戶部郎中父鄂拜國
子監祭酒鄂爾泰由舉人於康熙四十二年襲佐
領授三等侍衛五十五年遷內務府員外郎雍正
元年充雲南鄉試副考官

特擢江蘇布政使三年八月授廣西巡撫十月

命署雲貴總督四年五月貴州狎苗負險肆橫議撫久無
成鄂爾泰分三路進剿一由谷隆一由焦山一由
馬落孔焚其寨七進克長寨羊城垓等奏於長寨

增駐遊擊又以鎮遠土府刁瀚雷益土州安于蕃
兇詐計擒之者樂甸土司刁聯斗乞免死歸流奏
給職銜示鼓勵尋奏狝苗及川販窩黨悉就擒

上嘉其成功速優叙加三級又奏經理狝苗事宜十條一
未獲犯中脅從者自首槩寬免一苗民失耕種期
免本年正賦一歸寨者月給米鹽撫卹並給籽種
逾一月未歸田土賞兵一苗多佔地仇殺令契開
明界址官給印信承業一同名各照祖姓造冊不

知本姓者爲立姓一軍器悉繳隱匿及私造處決
一兵不得欺凌官不約束嚴禁一移貴陽府同知
駐長寨化導一移長寨把總駐打壤寨控制一員
弁聞刦掠卽拏一面申報獲犯會審毋徇部議
從之十月實授總督先是四川烏蒙土司祿萬鍾
擾東川府與滇接鄂爾泰奏改東川隸滇從之

命會同川督岳鍾琪辦理烏蒙事嗣招其魁祿鼎坤爲土
守備萬鍾不就撫至是檄總兵劉起元整兵直入

各寨投誠萬鍾遁鎮雄五年正月潛投四川被獲
解鍾琪軍前其黨鎮雄土司隴慶侯亦赴川繳印
獻土叙功加二級

特旨給騎都尉世職三月鎮沅猺賊聚官焚掠勦平之獲
賊首刁如珍等又廣西土府中映宸淫虐鄂爾泰
會奏

敕懲治

上命廣西巡撫韓良輔赴滇面議用兵鄂爾泰以滇粵相

距遠貴州安籠與泗城接卽親往商六月映宸惶
懼乞改流存祀奏草世職免罪安置浙江原籍給
其弟映翰頂帶奉其祖岑繼祿祀七月同楚省會
勦謬冲花苗擒其渠餘衆歸順九月擒威遠猓賊
札鐵匠降新平野賊李百疊等議叙加三級十一
月招撫長寨後路生苗百八十四寨編戶口定額
賦得

旨嘉獎加授一等輕車都尉十二月攻破雲南猓賊窩泥

種其六茶山地千餘里劃界建城設員弁議叙加
二級先是前任雲貴總督高其倬查奏安南國界
有內地舊境百二十里應清理於賭呪河立界國
王黎維禡奏辯復

命鄂爾泰清查給與八十里於鉛廠山下小河以內四十
里立界

頒敕曉諭至是六年正月國王具表謝鄂爾泰以

聞

金定八加通記
卷之二十一
上嘉其知禮仍

賞給地四十里又奏烏蒙設鎮駐總兵改貴州威寧鎮爲
營置叅將與鎮雄東川二營歸統轄並烏蒙設府
治改鎮雄爲州隸之俱議行三月勦擒東川謀逆
之法憂伙目祿天佑則補營長祿世豪等又米貼
土目祿永孝緣罪斬候妻陸氏勾猓獠反調總兵
張耀祖等攻門坎山所向皆克擒陸氏米貼平時
廣西猓顏光色等不法提督田畯不能勦鄂爾泰

調兵至賊殺光色等降

特命總督雲貴廣西三省事務七年正月雲南卿雲見由
一等輕車都尉加授三等男三月疏奏貴州丹江
雞講生苗向不服化前檄按察使張廣泗相機剿
撫今攻克各寨苗衆投誠其上下九股及清水江
古州等處以次寧帖叙功加二級九月奏乞銷去
苗疆議叙

賞給曾祖圖們封典俾昭忠祠牌位改書贈官

允之其苗疆功仍議叙尋加少保十二月奏新闢苗疆立

營設官事宜一八寨距都勻府九十里地方遼闊
改都勻營爲協設副將駐劄一丹江逼凱里素爲
生苗盤據增丹江營設叅將一九股尤强悍移黃
施營遊擊駐施秉舊縣一清水河有南北兩岸居
中增清江協設副將一鎮遠協原防清水江生苗
今改爲營設叅將歸清江協一天柱營近生苗向
設叅將今旣分設營改爲都司一古州爲都勻

黎平要隘設古州鎮駐總兵改黎平協爲管聽統
轄一營汛既定設文員分駐增都勻府同知一駐
八寨通判一駐丹江鎮遠府同知一駐清江黎平
府同知一駐古州俱加理苗字樣一所設同知通
判於同駐官兵內各撥把總兵丁爲親標護衛一
施秉舊縣添設施秉縣縣丞分駐從之八年八月
烏蒙獍賊結涼山等蠻反總兵劉起元被害祿鼎
坤任萬福與賊合鄂爾泰飭諸將進討衆將韓勲

大敗賊於奎鄉總兵哈元生復烏蒙同攻克大關
與川兵會十二月擒萬福渠兇盡獲奏入

諭曰烏蒙改設府治之初諸事尚未就緒又值劉起元不
善撫馭激成事端逆黨勾連幾有猝難收拾之勢而將
弁軍士奮勇爭先旬月間削平寇亂此皆鄂爾泰平時
節制封疆以公忠表率官僚以義勇訓練將士而臨機
應敵又復調度有方用能迅奏膚功永安苗境論功行
賞當以鄂爾泰爲先但念該督自聞賊變以來時時以

先事疏防引過自責今軍事告竣不肯自居蕩寇之功
屢次陳奏情詞懇切朕曲從其請以成其謙抑之素志
九年六月疏奏烏蒙善後事宜烏蒙鎮舊設中左
右三營請增設前營四營各遊擊一守備一千總
二把總四中營駐府城左營駐大關右營駐永善
前營駐涼山鎮雄東川二營俱增設守備一分左
右軍左軍守備各駐府州城鎮雄右軍守備駐奎
鄉東川右軍守備駐阿白溪又改威寧營爲協設

副將仍歸烏蒙鎮轄尋甸州增奇兵營設叅將歸
督標轄從之尋奏全滇水利事宜一濬嵩明州之
楊林海周圍草塘可開墾一宜良縣開河五其四
灌田惟江頭村舊河形高自胡家營北另開一道
資灌溉一尋甸州尋川河有石難疏另濬沙河十
五里一東川府城北漫海地肥水消令民承墾一
浪穹縣羽河等處加修堤工一臨安等處修築工
程暨通粵河道嵩明州河口俱查勘以時興工下

部議行十年正月

陞見二月授

保和殿大學士兼兵部尚書辦理軍機事務

諭曰大學士鄂爾泰節制雲貴廣西三省歷有歲年于所屬苗疆悉心經理使蠻夷慕義向風咸登樂土至于古州等處生苗自昔未歸王化鄂爾泰運籌調度勦撫兼施俾苗人懷德畏威抒誠內嚮疆圉開拓邊境輯寧數年以來功績實非尋常可比鄂爾泰著授一等伯爵世

襲罔替四月

諭曰朕與鄂爾泰面加商酌新疆遼闊兼有內地舊汛非古州一鎮所能統轄都江清水二江地界形勢兩路劃然牽合歸一終難控禦而古州鎮處都江適中清江協處清江適中遙對雄峙各踞要區若于清江協裁去副將改設一鎮將新疆之丹江營與內地之銅仁鎮遠黃施天桂石阡平越等協營俱歸管轄其餘都勻協黎平營並新設之上江下江諸協營俱隸古州鎮轄則數千

里苗疆可無鞭長不及之慮更屬妥協著將清江協改
鎮時大軍勦準噶爾七月

命督巡陝甘經畧軍務九月奏報我兵敗北路賊於額爾
得尼昭賊遁必由畢濟一路中有衮塔馬哈戈壁
係要隘咨行署寧遠大將軍張廣泗選將弁堵截
並令廣泗繼進以壯勢援得

旨嘉獎又奏屯田事宜一總理屯田大員頒給關防一客
民首報地畝分別給工價其夫役等工價口糧外